



Broj: 11-01-05-38-15502-24-1/19
Sarajevo, 29.4.2019. godine

SKUPŠTINA KANTONA SARAJEVO
n/r Elmedina Konakovića, predsjedavajući Skupštine Kantona Sarajevo
-ovdje-

PREDMET: Odgovor na zastupničko pitanje

Na Sedmoj radnoj sjednici Skupštine Kantona Sarajevo, održanoj 17.4.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, zastupnik Senad Hasanović je pokrenuo zastupničku inicijativu prema Ministarstvu za obrazovanje, nauku i mlade da se pristupi izradi Zakona o srednjem strukovnom obrazovanju Kantona Sarajevo.

ODGOVOR

Parlamentarna skupština Bosne i Hercegovine je 2008. godine usvojila Okvirni zakon o srednjem stručnom obrazovanju i obuci. Spomenutim zakonom su utvrđeni principi organizacije srednjeg stručnog obrazovanja i obuke, osnovna pitanja nastavnih planova i programa, standardi ocjenjivanja i ispiti, pitanja autonomije škola, finansiranje i druga pitanja značajna za rad i razvoj srednjeg stručnog obrazovanja i obuke u Bosni i Hercegovini.

Shodno navedenom, Skupština Kantona Sarajevo je 1.septembra 2010. godine donijela Zakon o srednjem obrazovanju („Službene novine Kantona Sarajevo“, broj: 23/10).

U Zakon o srednjem obrazovanju su integrisane sve odredbe Okvirnog zakona o srednjem stručnom obrazovanju i obuci, jer je unutar Ministarstva, prevladalao mišljenje da nije neophodno donijeti poseban zakon o srednjem stručnom obrazovanju i obuci, već je funkcionalnije donijeti novi zakon o srednjem obrazovanju u koji će se integrisati odredbe Okvirnog zakona.

Na ovaj način, u Zakon iz 2010. godine su ugrađeni ciljevi srednjeg stručnog obrazovanja i obuke, način osnivanja škola, usaglašavanje sa potrebama tržišta rada, odnosno predviđena je obaveza formiranja tripartitnih vijeća, definisan je način izrade nastavnih planova i programa za srednje stručne škole, standardi za ocjenjivanje, polaganje završnog ispita/mature, postavljeni su osnovni principi autonomije škole, načini udruživanja škola, formiranje savjetodavnih vijeća u školama i sl.

Iz navedenog je evidentno da su odredbe Okvirnog zakona u najvećoj mjeri ugrađene u Zakon o srednjem obrazovanju u Kantonu Sarajevo.

S ciljem unapređenja stanja u ovoj oblasti, Ministarstvo je pristupilo izradi novog zakona o srednjem obrazovanju, koji je donijela Skupština Kantona Sarajevo 10.5.2017. godine, a primjena je otpočela 1. septembra 2017. godine.

U novom dokumentu su takođe sadržane odredbe Okvirnog zakona o srednjem stručnom obrazovanju i obuci.

Koristimo se prilikom da Vas informišemo da se u Ministarstvu za obrazovanje, nauku i mlade Kantona Sarajevo trenutno provode aktivnosti na izradi nacrtu Zakona o dualnom obrazovanju, kojim će se regulisati pitanje, prije svega, realiziranja praktične nastave u srednjim stručnim školama.



Pored spomenute problematike, Nacrt Zakona predviđa obuku za mentore, edukacije koordinatora praktične nastave, direktnu uključenost poslodavaca i Provredne komore Kantona Sarajevo u obrazovni proces u školama za srednje stručno obrazovanje i obuku za zanimanja u trogodišnjem i četverogodišnjem trajanju.

Shodno podnesenoj inicijativi, Ministarstvo je na stanovištu da će Zakon o dualnom obrazovanju, na pravi način pozicionirati problematiku sadržanu u Okvirnom zakonu, a koja se odnosi na srednje stručno obrazovanje i obuku.

S poštovanjem,

